

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 424882 22 St
Tuzla, 01.11.2022. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **„ADSA“ d.o.o. Sapna, za proizvodnju, promet i usluge, Sapna bb**, nakon provedenog stečajnog postupka donio je dana 01.11.2022. godine slijedeće

R J E Š E N J E

OTVARA SE stečajni postupak nad imovinom dužnika **„ADSA“ d.o.o. Sapna, za proizvodnju, promet i usluge, Sapna bb**, matični broj subjekta 1-6993, JIB: 4209070020000, račun broj: 1322900309281794 otvoren kod NLB banka dd Sarajevo.

Za stečajnog upravnika imenuje se Besim Hamidović iz Zvornika, Križevići 173, Gušteri.

ZAKLJUČUJE SE stečajni postupak nad imovinom dužnika **„ADSA“ d.o.o. Sapna, za proizvodnju, promet i usluge, Sapna bb**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 424882 22 St od 02.06.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva **„ADSA“ d.o.o. Sapna, za proizvodnju, promet i usluge, Sapna bb**, a za privremenog stečajnog upravnika imenovan je Besim Hamidović iz Zvornika, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 30.06.2022. godine. Iz izvještaja privremenog stečajnog upravnika proizilazi da društvo nema zaposlenika . Obaveze društva prema knjigovodstvenoj evidenciji ukupno iznose 295.895,43 KM a iste se odnose na obaveze za poreze i doprinose Poreznoj upravi F BiH u iznosu od 1.945,31 KM, obaveze prema UIO RC Tuzla u iznosu od 67.727,00 KM, te obaveze po osnovu kredita i pozajmica u iznosu od 90.567,13 KM. Tokom prethodnog postupka utvrđeno je da dužnik ne posjeduje imovinu niti sredstva na računu.

Dakle, privremeni stečajni upravnik u svom mišljenju pod tačkom 6. izvještaja o utvrđivanju uslova za otvaranje stečajnog postupka, nalazi da je podnosilac prijedloga za otvaranje stečajnog postupka isti podnio u roku od 60 dana od dana nastupanja platežne nesposobnosti, da postoji stečajni razlog za otvaranje stečajnog postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog

postupka iz kojih bi se mogli podmiriti troškovi stečajnog postupka, sud je rješenjem od 30.06.2022. godine pozvao predlagača, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 62/22 dana 05.08.2022. godine, oglasnoj tabli suda dana 28.07.2022. godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.